庫全書

子部

朱子梧频卷十二

詳校官中書臣程 炎

刑部即中臣許此楊覆勘 總 校官中書臣朱

绿蓝生臣全 助教臣 卜惟吉

鈴

校

對

官

特

腃

うるこれ 不可以 公司官官官 The section of the se **木子語額**

金六四库全書 廢盖卿 是覺處便是接續某要得人 日間常讀書 以維持此心 書無幾可以管攝此心使之常 處恐終無益 、能無間斷只是、 則此心不走作或只去事物中 時放下則 只就讀書 一時徳性有懈其何 一體認義 起此心只 滚则 書

卷 + **大足四草全書** 讀書須將心貼在書册上逐句逐字各有著落方 本心陷溺之久義理浸灌去 斷則物欲之心自不能勝而本心之義理自安且固 **說元與他不相似** 個 心與讀書為 人質孫 1軀殺裏如何讀得聖人之書只是杜 事方得カチ 朱子語類

有本領 静間都無馳走散亂方始看得文字精審如此方具 其放心而已矣忽悟曰我心不曾收得如何記得 公静處收拾教意思在裏然後虛心去看則其義 **外烈光生岩無記性** 人看文字多是以昏怠去看所以不子細故學者 ロバ 公有不明者也祖道 凡學者須是收拾此心令專静純一 日讀孟子學問之道無他求 日用動

讀書有個法只是刷刮淨了那心後去看若不 立志不定如何讀書芝 心不定故見理不得今且要讀書須先定其心使之 てこり 引 という 晓只界界加意自見得若是專心豈有不見文蔚 覧無遺倜 讀書多緣心不在故不見道理聖賢言語本自分 **尔讀書百餘日以收放心却去** 朱子语 톐 照物伯羽

銀穴四母全書 讀書須是要身心都入在這一 莫教走作則理自然在其中令人却一邊去看文字 思如何却說個仁在其中盖自家能常常存得此心 何事方見得一段道理出如博學而篤志切問而近 心如何解虚得而今正要將心在那上面義剛 去思量外事只是 ·待它意思好時又將來看而今却說要虚心 却去看祖道 一段裏面更不問外面有

讀書其功夫亦合如此又曰看得一 然者此無他於學文上功夫有見處可取以喻今日 去看書便自知只是如此老蘇自述其學為文處有 云取古人之文而讀之始覺其出言用意與已大異 及其久也讀之益精胸中豁然以明若人之言固當 以紛擾雜亂心去看不曾以湛然凝定心去看不岩 先涵養本原且將已熟底義理玩味待其浃洽然後 觀書多走作者亦恐是根本上功夫未齊整只是 朱子語類 两段却且放心 U9

欠足の見とい

金牙四周有量 凡人看文字初看時心尚要走作道理尚見得未定 不可終日思量文字恐成硬將心去馳逐? 没奈他何到看得定時方入規矩又只是在印板 胸寬閒不可貪多又曰陸子静喾有旁人讀書之 恁生記去這道理便死了時舉 到得熟後方始會活方始會動方有得受用處若只 西說相似都不活不活則受用不得須是玩味反雷 亦可且如此

欠足の見らい 句當常常 得他條理脉絡自有貫 亦只在這裏人只是 于事 書閒暇且静坐教他心平氣定見得道理漸次 學在明明他一句須常常提醒在這裏他日長谁 項養精神又來看淳 和可以思索義理這個却是礼録云無幾心平這個却是 坳 提却 為斯是 脉本能 絡存如箇 来了語類 行此便有此便有点又 貫得此総 「箇心做本須 處見見 又云 進 身総會處且如看 静季 盖學坐札 存得在這裏識 其在如錄 原明何云 35 便問 明 嘆伊 徳 其川

讀書須是虚心切已虚心方能得聖賢意切已則聖賢 學者讀書須要做身正坐緩視微吟虚心涵泳切已省 金戶四屆台書 大凡讀書且要讀不可只管思口中讀則心中間而義 當看粗底也當看電 理自出某之始學亦如是爾更無別法節 用得又云文字是底固當看不是底也當看精底固 乙言不為虛說 作察又云讀一句書須體察這一句我將來甚處

聖人言語皆天理自然本坦易明白在那裏只被人 凡看書須虚心看不要先立說看 聖賢言語當虛心看不可先自立說去撰住便唱斜 看文字須是虚心其先立已意少刻都錯了又曰虚心 虚心去看只管外面捉摸及看不得便將自己身 切已虚心則見道理明切已自然體認得出舉 讀書者固不足論讀書者病又如此淳 般意思說出把做聖人意思淳 段有下落了於

次足可复合島

朱子語類

金グロだろ言 抵義理須是且虚心随他本文正意看必大 正理又枉費心力不岩虚心静看即涵養究索之 全看! **青週難處且須虚心搜討** 舉而两得之也時奉 無思量處得做作 段須如人 其意便容易立説殊害事盖既不 、受詞訟聽其説盡然後方可決斷 意思有時有思釋底事

問如先生所言推求経義將來到底還別有見處否曰 欠己日屋 台書 思須得退步者不要自作意思只虚此心将古 古曰從來不曾如此做工夫後亦自難說今人 是虚心曰須退 岩説如釋氏之言有他心通則無也但只見得合如 先自立了意後方觀盡率古人語言入做自家意思 此爾再問所說尋求義理仍須虚心觀之不知如何 來如此只是推廣得自家意思如何見得古人 步思量次日又問退一 宋子語 類 歩思量ラ 入觀書

金分四月子言 某當見人云大凡心不公底人讀書不得今看來是如 為得之逆者等待之謂也如前途等待 得古人意有長進處且如孟子說詩要以意逆忘是 言放前面看他意思倒殺向何處去如此玩心方可 且須耐心等待將來自有來時候他未來其心急切 此只是牽率古人言語入做自家意中來終無進益 义要進前尋求却不是以意逆志是以意捉志也如

欠已回戶公事 或問看文字為衆說雜亂如何曰且要虚心逐 舊習失點檢處全然把一已私意去看聖賢明 看隨來隨去見他言語動作便自知他好惡又白只 何看得出質孫 把他道理自看其是非恁地看文字猶更自有牽 此如鮮說聖経 分明譬如人欲知一箇人是好人 説却又看一 向都不有自家身已全然虚心只 朱子語類 說看來看去是非長短皆自 人是惡人 八且隨他去 説看

放宽心以他說看他說以物觀物無以已觀物道夫 金戶口周台書 要虚心又云濯 用儒 須静着心寬着意思沈潜反覆將久自會暁 當平心以觀之大抵看書不可穿鑿看從分明 舜從隐僻處去聖賢之言多是與人說話者 以物觀物不可先立已見 去舊聞以來新見 人如何晓節

次足口巨 全島 讀書不可只專就紙上求理義須反來就自家身上 讀書須要切已體驗不可只作文字看又不可助長 學者當以聖賢之言反求諸身一 或得少為足則無由明耳祖道 疑積日既久當自有見但恐用意不精或貪多務廣 指推究秦漢以後無人說到此亦只是一 那裏自家只借他言語來就身上推究始得淳 宋不就自家身上理會自家見未到聖人先說在 朱子語類 一體察須是晚然無 向去書册

得去便了 樂囊起曰如合樂便要治病終不成合在此看如此 以求道不然讀作何用令人不去這上 、涉獵該博為能所以有道學俗學之别因提案 讀書多不就切已上體察但於紙上看文義上 故惡夫佞者古人亦須讀書始得但古人 却是自家易晓易做底事解經已是不得已 ,如此濟得甚事何必讀書然後為學子 浩瀚難看亦難記將已晚得底體在 一理會道理皆

金少口匠台電

得那人 禮智曾認得自家如何是仁自家如何是義如何 畫喚做那 理會 八别人 小曾體認著自家身已也不濟事如說仁義 八曰這事如今似難說如世上 不得寓 不識須因這畫去求 一理會此固是不得然 體認得 始得今便以 向就書册 等 説

义己司軍 台

朱子語類

金分四月年書 學須做自家底著便見切已今 理會别自有箇覺處有箇悟處這箇是 淳 地讀書只恁地理會又何益質孫 說須恁地認始得若只逐段解過去 濟事如世上 如何學自家曾如何君 等說話謂了

讀書之法有大本大原處有太 久己日屋白雪 或問讀書未知統要曰統要如何便會知得近來學者 當而所謂統要者自在其中矣履縣 理又有一 理會處又其次則解釋文 者須要熟看熟思久久之間自然見箇道理四停 種則舍去册子却欲於一 種則一向汎濫不知歸著處此皆非知學 一麼升即 朱子語類 美 親 人綱大目處又有逐事 言半句上便要見道 +

金戶口月石雪 學者有所聞須便行始得若得 **儿看文字專看細密處而遺却緩急之間者固不可專** 為他日之用須思量所以看者何為非只是空就言 看緩急之間而遺却細密者亦不可今日之看所以 於心則視言語誠如糟粕然令不可便視為糟粕也 語上理會得多而已也譬如拭桌子只拭中心亦 但當自期向到彼田地爾方 可但拭四弦亦不可須是切已用功使將來自得之

人已可見公司 真理會得底便道真理會得真理會不得底便道真理 讀書便是做事凡做事有是有非有得有失善處事者 片紙上道理行之可也 優孫 **那處有礙須記那緊要處常勿** 不過稱量其輕重耳讀書而講究其義理判別其是 會不得真理會得底固不可忘真理會不得底須看 非臨事即此理可學 朱子語類 手且如得 忘所謂智者利

學者理會文義只是要先理會難底遂至於易者亦不 學得此事了不可自以為了恐怠意生如讀得此書須 金万四周有量 讀書推類反求固不害為切已但却又添了一 若且依文看逐處各自見箇道理久之自然貫通不 終身記之壽昌 其求時心固在此不求時心亦在此淳 能晚學記曰善問者如攻堅木先其易者後其節目 須如此費力也 重事不

看書不由直路只管枝蔓便於本意不親切淳 看文字不可相妨須各自逐一 只看自家底不是自家底枉了思量為 讀書且須從 室著則件件相礙矣端蒙 看然非是緊要方子 所謂攻瑕則堅者瑕攻堅則瑕者堅不知道理好處 **义却多在平易處**琳 一條正路直去四面雖有可觀不妨 著地頭看他指意

欠已印度公事

朱子語類

金少四屋石書 看文字不可落於偏僻須是周匝看得四通八達無此 讀書要周遍平正变孫 看文字且逐條看各是一事不相牽合 問其它只此便是博學而寫志切問而近思仁在其 室礙方有進益又云某解語孟訓詁皆存學者觀書 不可只看緊要處間慢處要都周匝今說求放心未 盖此便是求放心也人傑 矣博學而篤志切問近思方是讀書却說仁在且

看文字且依本句不要添字那裏元 明見得那人已許我不信我如高祖知人善任使是 是那人未有不信意便道那人必是 似自家只去抉開不是渾淪物硬去鑿不可先立說 分明見其才耳 うえいり 石有所見未必便是不可便執着且放在 不會許我先去揣摩道那人必是許我億不 八意來凑如逆詐億不信與先覺之 朱子语 題 辨逆許是 占

多穴四库全書 諸鬼神而無疑百世以俟聖人而不惑直到這箇田 身後諸庶民考諸三王而不終建諸天地而不悖質 是多讀書使互相發明事事窮到極致處所謂本諸 蔽了譬如一片淨潔田地岩上面纔安一物便須有 地方是語云執徳不引易云寬以居之聖人多說簡 遮蔽了處聖人七通八達事事說到極致處學者領 更讀書以來新見若執著一見則此心便被此見與 意學者要須體之质 卷十一

看書不可將自已見硬參入去須是除了自己所見看 看文字先有意見恐只是私意謂如粗厲者 中何所不有人傑 孟子雖是程先生言畢竟迫切節 於理則是背於理則非令人多是心下先有 **卓先須晓得他底言詞了** 上古人意思如何如程先生解直方大乃引 ドー語画 然後看其說於理當否 箇

鈕定四庫全書 讀書如問人事 學者不可用已意遷就聖賢之 者則硬穿鑿之使合廣 八只以已意料 如何可與誰 可随聲遷就我見得是處方可信須沈 般欲知彼事須問彼人今却 度謂必是如此揚 、說話來說自家底意思其有不合 /言徳明 做飯我也說沙 1

文字不可硬說但當是 提道夫 見矣力行 世無此理 廣 不要迫得太緊振 向近前與看 其

欽定四母全書 學者觀書病在只要向前不肯退步看愈向前愈考 見以来新意此說甚當若不濯去舊見何處得新意 甲乙之説徐徐觀之方能辨其曲直横渠云濯去舊 是先有主張甲底意思便只見乙底不是不若姑冒 下正如聽訟心先有主張乙底意思便只尋甲底不 不分曉不若退步却看得審大縣病在執著不肯放 **妖擺脱亦被他自來相尋** 尚 |種病一是主私意| 是舊有先入之

學者不可只管守 某向時與朋友說讀書也教它去思索求所疑近方見 到理會不得處便當濯去舊見以來新意仍且只就本 得亦自有疑處盖熟讀後自有室礙不通處是自然 濁水然後清者出馬カ行 文看之伯羽 讀書只是且恁地虚心就上面熟讀久之自有所 114.1 從前所見須除了方見新意如去 岩先去尋箇疑便不得 又曰這般 朱子語 題

金灰四庫全書 看文字且自用工夫先已切至方可舉所 開便自然通此所謂何天之衢亨 可傍本看教心熟少間或有說不通處自見得疑 被諸先生説成數様所以便著疑今却有集注了 是蓄之極則通告。人 論假無朋友久之自能自見得蓋蓄積多者忽然爆 有時候舊日看論語合下便有疑盖自有 冷未可先去疑著質縣 再看一件若是 蓄積處多忽依銀云讀書須是先看一件 **也盖蓄極則通須** 疑與朋友 月目

欽定四軍全書 問看理多有疑處如百氏之言或疑其為非又疑其必 長進道夫 是當如何斷之曰不可强斷姑置之可也人供 病只知他人之說可疑而不知已說之可疑試以 謂何天之衛亨是也開來時自然所得者易 人者以自話難無幾自見得失 /荅曰聖賢之言明如日月又曰 朱子語類 火火大 さ

因愈出文字偶失愈子逐不能記云舊有人老不識字 冊文字看此其專静也且云尋常出外轎中著三四 差盖其人忠實又專一無他事所以記得今學者不 看題目却成甚讀詩也又當見襲實之轎中只若 能記又往往只靠著筆墨文字所以愈总之也方 然隔年瑣瑣出入皆心記口數之既為寫下覆之無 冊書看一冊厭又看一冊此是甚功夫也方 有欲速之病舊嘗與一人讀詩集每界過題一行不 改定四草全事 四 學不可躐等不可草率徒費心力須依次序如法理會 問諸讀經之法曰亦無法只是虚心平讀去讀為以下 先生戲引禅語云 識問皆如一云我已發三藐三菩提心而未知如何 巍直讀此書云似都是說我善財五十三處見善知 讀者根是禅為山作一 行菩薩行成菩薩道 經通熟他書亦易看內相 僧與人讀碑云賢讀著総是字某 朱子語類 書戒僧家整齊有一川僧最 亢

聖人千言萬語只是說箇當然之理恐人不曉又筆之 讀六經時只如未有六經只就自家身上討道理其理 是做得一分便是一分工夫非茲然不可測也但患 孟都只是如此可謂盡矣只就文字間求之句句皆 便易睫战中 麼要將何用若只讀過便休何必讀明作 人不子細求索之耳須要思量聖人之言是說箇甚 書自書契以來二典三誤伊尹武王箕子周公孔

くこうえ ニトラ 人惟有私意聖賢所以留干言萬語以掃滌人 逕可見別無曉崎寓 易有箇陰陽詩有箇邪正書有箇治亂皆是 彩意不得節 公道理孔子恁地說一 全得惻隱羞惡之心六經不作可也裏面著 一番都恁地懸空掛在那葉自家須自去體 直道理看剖析自分晓不必去偏曲處看 朱子语願 一番孟子恁地說一 番子思又 直路

鉛穴匹库全書 為學須是先立大本其初甚約中間一 梢又約孟子曰博學而詳說之將以反說約也故必 認始得質孫 先觀論孟大學中庸以考聖賢之意讀史以考存亡 有次序不可踰越近日學者多喜從約而不於博求 治亂之迹讀諸子百家以見其駁雜之病其節目自 之不知不求於博何以考驗其約如某人好約今只 一僧了得一身又有專於博上求之而不反其 節甚廣大到末

欠己りる ここう 學者只是要熟工夫純一而已讀時熟看時熟玩味時 熟如孟子詩書全在讀時工夫孟子每章說了又自 看亦不要將做惡底看只認本文語意亦須得心 既未寫得傳且除了小序而讀之亦不要將做好底 解了盖他直要說得盡方住其言一大片故後來老 約今日考一 解亦拖他來做文章說須熟讀之便得其味今觀詩 天其病又甚於約而不博者娶之 制度明日又考 朱子語類 制度空於用處作工 /均是無益可學

金贞四母全書 (做功課若不專一東看西看則此心先已散漫了 思之只有此法更無他法個 只看孟子讀這一章更不看後章讀這一句更不得 何看得道理出須是看論語專只看論語看孟子專 昝 看後句這一字理會未得更不得看下字如此則專 而功可成若所看不一汎濫無統雖卒歲窮年無 /期某舊時文字只是守此拙法以至於今

くこうえ 便恁地讀過只 納釋玩味如未通透却看前輩講解更第二 須見得身分上 透次理會第二句第三句待分曉然後將全章反覆 書須有次序且如一 1.4. 語豈無過當失實處亦有說不及處又云初 日多看得數段或 一有長進處方為有益如語孟二 不求是非便道前賢言語旨的當 二日可了若要將來做切已事玩 朱子陌的 章三句先理會上 两段耳又云看講解 E 二番讀過 句待 一書岩 调

讀楊 只讀 記問人 經書與看史書不同史是皮外物事沒緊要可以劄 看時便先斷以已意前聖之說皆不可入此正當今 **欲斯須忌去而不可得豈可比之看史遇有婦** 人岩是經書有疑這箇是切已病痛如人負痛 /病不可不知事 小得謂其傍出多事禮記左傳最不可 側

鈖好匹库全書

くこうえ 向時有一 浩曰趙書記云自有見後只是看六經語孟其他史 荆公之 那得金銀不必問也曰如此即不見古今成敗便是 雜學皆不必看其說謂買金須問賣金人雜賣店中 以下文字有得失然而天理却在這邊自若也要有 六經是三代以上之書曾經聖人手全是天理三代 一觀得破皆是學治 截學者貪多務得要讀周禮諸史本 朝曲 /學書那有不可讀者只怕無許多心力讀得 **牝子語 類** 耋

經肯要子細看上下文義名數制度 經傳有不可晚處且要旁通待其浃洽則當觸類而 奈何他質孫 可通矣人傑 自恁地顛顛倒倒沒頭放處如喫物事相似將甚麽 、公大段深泥以妨學問 向盡要理會得許多沒緊要底工夫少到身已 **頓都喫了便被他撑腸柱** 類界知之便得

金兵四庫

歌足四軍全事 讀書理會道理只是將勤告捱將去不解得不成文王 諸先生立言有差處如賴導當知其所以差處不宜一 固不可鑿空立論然讀書有疑有所見自不容不立 情如云不敢輕議前輩不敢妄立論之類皆中怠惰 猶勤而況寡德乎今世上有一般議論成就後生懶 切委之所以自廣其志自進其知也 者之意前董固不敢安議然論其行事之是非何害 韓書亦有得 かみの 朱子語類 下雅論 以

白ラログと言 因言讀書法曰且先讀十數過已得文義四五分然後 長意味却自首末相貫又問讀書心多散亂曰便是 說相比並求其是便自有合辨處鄉 論其不立論者只是讀書不到疑處耳將精義諸家 看解又得三二分又却讀正文又得一二分向時不 心難把捉處知得此病者亦早少了向時舉中 理會得孟子以其章長故也因如此讀元來它童 小誠無物說與直卿云且如讀

次足四氧全彗 説話 解看正文了却著深思熟讀便如已說如此方 馬便是不誠便無物也明作の以下 誠是有其物故終始得此九句用若下 九句有心記得心不走作則是心在此九句內是 、讀書且當虚心 般且從他說盡不要勒斷他說並以已意見抄 般是專要作文字用 以較好此學者之大 宋·子語類 意將正文熟讀不可便立見 般是要說得新奇 人病譬如聽 句心不在 玄

简意去看它底莫要才领畧吃大意不耐煩便休了 說岩如此全不見得他說是非只說得自家底終不 渴而强飲食之 濟事久之又曰須是將本文熟讀字字咀嚼教有味 訓詁皆子細者盖要人字字與某著意看字字思索 到其要只作等朋看過了又曰讀書第一 若有理會不得處深思之又不得然後却將註解 力有意味如人飢而後食渴而後飲方有味不飢不 /終無益也又曰某所集注論語至於 莫要先立

金グロボル

是十

人足印重 公司 詩只消這八字 便說樂而不淫哀而不傷某因說與他道公而今說 曾見有, 自已做出來底 道祖 不如此只是虚設議論如舉業 說詩問他關睢篇於其訓詁名物全未曉 物名義發明經指 般方能玩味反覆向上有透處去 朱子語類 、記得注解 相穿紐處 字共成十一 般非為已之學 美 字便 認得 訓

四爻都有下落方始說得此話若學者未曾子細理 先生曰尹説固好然須是看得六十四卦三百 云體用一 會便與他如此說豈不誤他某聞之 汪端明説沈元用問和靖伊川易傳何處是切要尹 示書堂 源顯微無間此是切要處後舉似李先生 其他三百篇皆成渣浑矣因憶頃年 **快然始知前** 親段 書係 E

金戶四屆全書

卷十一

經之 反民印度公馬 出矣學家 詞兩家之 ·文字諸家説有異同處最可觀謂如甲說如此 有解所以通經經既通自 段終是不穩在心頭不要放過敬作 /說既盡又参致而窮究之必有 窮盡其詞乙説如此且撏扯住ろ 窮得到道理透處心中也替他饒棒作快 米子語頻 圭

句以方子 金分四周有量 看注解時不可遺了緊要字盖解中 脱然會通也且所貴平簡者非謂欲語言之少也乃 理耳理得則無俟乎經今意思只滯在此則何時 不見注解但見有正經幾箇字在方好大雅 與不中爾若句句親切雖多何害若不親切愈 小達矣某嘗說讀書頂細看得意思通融後 字時直身

欠己日屋という 且尋句內意方子 相礙浮 讀書須看上下文意是如何不可泥着一字如楊 已仁也成物智也此等須是各随夲 **義如論語學不厭智也教不像仁也到中庸又謂成** 政寫出此意向 般字却有淺深輕重如何看曰當看上 -也柔於義也剛到易中又將剛來配仁柔來配 方子 ت Ēþ 朱子語類 文意看便自不 夫 節

金戶四周全書 讀書須從文義上 傳注惟古注不作文却好看只随經句分說不離經意 **衣盖**卵 最好疏亦然今人解書且圖要作文又加辨說百般 所以使人思也大雅。以下 經謂之解者只要解釋出來將聖賢之 又說了又說故今人觀者更不看本經只讀傳亦 生疑故其文雖可讀而經意殊遠程子易傳亦成作 一尋次則看注解令人却於文義 附論解經

火足司臣 白馬 一 聖經字岩個主人解者獨岩奴僕今人 解經當如破的方子 随文解義カチ 經書有不可解處只得闕若一向去解便有不通而認 處闕 易讀泳 /詼經者徃徃有四者之病本早也而抗之使高本 公僕通名方識得主人畢竟不如經字也 泳 **水子稻 頻** 秃 八旦因

後世之解經者有三一 金厂四屋石電 解書須先還他成句次還他文義添無緊要字却 聖賢說出來底言語自有語脉安頓得各有所在豈似 淺也而鑿之使深本近也而推之使遠本明也而必 使至於晦此今日談經之大患也益鄉 添重字不得令人所添者惟是重字端蒙 後人任意說了也須玩索其旨所以學不可以不講 南華是也一禅者之經張子部華是也 儒者之經一文人之經東坡陳

飲定四車全書 /學者解書切不可與它看本看本則心死在本子 為害升卵 講學直要大 語不曾有一字用不當者會文義今觀其說出底言 緣當初解得不子細既不得聖賢之 若且改一 說便以為是只任意解將去當 0 必大銀此下 網正然其間子 字至於甚不得已乃始改這意思終 向人情它改三字不岩改两字改两 · 未子語類 フ細處亦不可以不講 意後來任意執 幸

學者輕於者書皆是氣識淺薄使作得如此所謂聖雖 横渠謂義理深沉方有造非淺易輕浮所可得也此 學作兮所貴者資便懷皎厲兮去道遠而盖此理聽 語最佳問集注解此謂守所得而心不廣則您孤 為有馬能為亡文義相貫盖弘字有深沉重厚之意 弘人多以寬大訓弘字大無意味如何接連得馬能 厚非便像皎厲不克負荷者所能當子張謂執彼不 只教他恁地説則它心便活亦且不解失忘了壽昌

ノてた

次足可長丘島 編次文字須作草簿抄記項頭如此則免得用心去記 塘中水已滿然後决之則可以流注滋殖田中 簿抄記此亦養心之法族之為編 它兵法有云車載糗糧兵仗以養力也編次文字用 謂之徳孤類の論 **台 角理會制度典章譬如作陂塘以溉田須是陂** 何曰孤只是孤單所得只是這些道理別無所有故 人讀書未多義理未至融會處若便去看史書考 朱子語類 孟

先看語孟中庸更看一 也可立而待也质の以 看史為先務是循决敗塘一勺之水以溉田也其涸 亂理會制度典章則是猶陂塘之水已滿而不決以 理已融會胸中尺度一 **徒無益於田而一勺之水亦復無有矣讀書既多義** 溉田岩是讀書未多義理未有融會處而汲汲馬以 **岩是陂塘中水方有一勺之多遽决之以溉田則非** 經却看史方易看先讀史記史 已分明而不看史書考治

金厂口屋石膏

令人只為不曾讀書紙是讀得粗書凡讀書先讀語孟 惑又有一般人都不**曾讀書便言我已悟得道理** 記與左傳相包次看左傳次看通鑑有餘力則看全 史只是看史不如今之看史有許多晚崎看治亂如 語孟中庸大學便去看史胸中無一箇權衡多為所 然後觀史則如明鑑在此而妍醜不可逃若未讀徹 此成則如此與治同道罔不與與亂同事罔不亡知 節 木子石 頁 Ŧ

欽定四庫全書 問讀史之法曰先讀史記及左氏却看西漢東漢及三 國志次看通鑑温公初作編年起於威烈王後又添 非之心渾是一箇私意如近時桃廟可見也 此便是惻隱之心如此便是羞惡之心如此便是是 至共和後又作稽古録始自上古然共和以上之年 中可見編年難得好者前日周您華所寄來者亦不 已不能推矣獨邻康節却推至堯元年皇極經世書 好温公于本朝又作大事記岩欲看本朝事當看長

史亦不可不看看通鑑固好然須看正史 饒牢問看通鑑曰通鑑難看不如看史記漢書史記漢 鑑 編若精力不及其次則當看國紀國紀只有長編 有通鑑是逐年事逐年過了更無討頭處道夫録 書事多贯穿紀裏也有傳裏也有表裏也有志裏也 分之二耳時來 于下乃可記得 人傑 1):1 1:1: 代帝紀更逐件大事立箇綱目其間節目疏之 **人子否** 部却看通

問讀通鑑與正史如何曰好且看正史盖正史每一 **關涉處多只如高祖鴻門** 國人某舊讀通鑑亦是如此且草草看正史一上然 是看正史後却看通鑑見它姓名却便知得它是某 饒廷老曰通鑑歴代具備看得大縣且未免求速 後却來看它芝 曰求速却依舊不曾看得須用大段有記性者方可 一如東晋以後有許多小國夷狄姓名頭項最多岩 事本紀與張良灌嬰諸

欽定匹庫全書

卷十

讀史當觀大倫理大機會大治亂得失 傳互載又却意思詳盡讀之使人心地歡洽便記得 爾曰誠是怕但如周王不分封也無箇出場道夫 起通鑑則一處說便休直是如法有記性人方看得 章論三晋事人多不以為然自今觀之只是怕温公 不可言又以為專為檜設豈有言天下之理而專為 义問致堂管見初得之甚喜後見南軒集中云病敗 人者曰儘有好處但好惡不相掩爾曰只如頭 の節

とこりをいす

火子語類

盂

金贝四月台書 問觀史曰只是以自家義理斷之大縣自漢以來只是 讀史有不可曉處卻出待去問人便且讀過有時讀 史且如此看讀去待知首尾稍熟後却下手理會讀 凡觀書史只有箇是與不是觀其是求其不是觀其不 皆然 處撞著有文義與此相關便自晓得義剛 是求其是然後便見得義理 私意其間有偶合處爾只如此看它已得大縣范唐 壽昌


欠了可見合馬 讀史亦易見作史者意思後面成敗處它都說得意思 鑑亦是此法然稍踈更看得密如它尤好然得似它 那資性直是會記芝曰亦緣多忘曰正緣如此也須 在前面了如陳蕃殺宦者但讀前面許多疎脱都可 史書記得熟否蘇丞相頌看史都在至 甘露事亦然質無 朱子語類

金グロルク語 讀史書節目處須要背得始得如讀漢書高祖辭沛 過素論之類皆用背得方是若只是累踔看過心下 似有似無濟得甚事讀一 無緣會得浃洽芝云正緣是不浃洽曰合看兩件 公處義帝遣沛公入關處韓信初說漢王處與史替 這說同處是如何不同處是如何安有不長進 件若两件是四百字且二百字有何不可 一令徹頭徹尾讀教精發這說是如何那說是 卷十 一件書類心心念念只在這

莫說十日只讀得 回只是 讀書世間甚書讀不了今公們自正月至臘月三 日管取無 事心致志如何會悟 一如張旭學草書見公孫士 日專心致志在書上 一讀時須用功作相別計止此更不再 (無記性須三五遍方記得而後又忘了 日便有功驗 **八娘舞 劍器而悟若不** 與開事管取便别 人做事須是

欽定四庫全書 随人 昔見延平說羅先生解春秋也淺不似胡文定後來 擬三四遍讀便記不牢又曰讀書須是有精力至之 秋干心静甚事 便記得有 曰亦須是聪明曰雖是聪明亦須是静方運得精神 板則又焚了便作焚舟計若初且草讀一)淳録云那 進處 入廣在羅浮山住三两年去那裏心静須看得 是 、讀周禮疏讀第 八道死不及叩时必做得工夫 卷十一段 心虚道理方看 有長某初疑解 板訖則焚 一遍準

Ē



朱子語類卷十		欽定四庫全書
を十一		卷十一類
		五
		丰

詳校官中書臣程 炎

刑部即中正許此棒覆勘 校對 總校官中書臣朱 **腾録監生臣金** 官助教臣下惟古

鈴

特

朱子語類卷十二

已可是公言 朱子語類

金贞四母至書 心在羣安自然退聽大劇 只有箇心若不降伏 夫道 識得此心使無去 而能進學者 裡面便害事 小加防開此心常 成如 何 0 個做 西如

只外面有些除罅便走了問莫是功夫間斷心便外馳 ノニ・ラー・ムー ノ・ムー 、香時便是不明才知那昏時便是明也廣 心常炯炯在此則四體不待羈束而自入規矩只為 否曰只此心才向外便走了 心有散緩時故立許多規矩來維持之但常常提 惶惺又以規矩繩檢之此內外交 人規矩内則此心不放逸而烱然在矣心既 夫子洛 頻 端漿

釤定匹庫 故心常惺惺自無客意升卿 他恁地炒自是使人住不看大抵學問須是警省且 巨惺惺今時學者却不如此 文蔚 如瑞嚴和尚每日間常自問主人新惺惺否又自答 人瞽史誦詩之 心鋒然在此尚無情慢之 /本心不明日 万知恰如磕睡殭自唤醒唤之不已終會醒某看 全書 如脈人都昏了不知有此身須是內 /類是規戒警詢之意無時不然便 /氟况心常

自分明士教 有此心便知有此身人昏昧不知有此心便如 **喚醒否曰放縱只為昏昧之** 小昏昧則自不放縱矣廣 如此方其昏蔽得人 不知有此身人 一夫只在喚醒上或問人放縱時自去收斂便是 八要工夫只在唤醒上 1111 雞困睡得人 夫子吾 人警覺則此心便在這裏廣 一然如此等處項 故能喚醒則自不昏時 、喚覺則此身自在心 困

欽灾四庫全書 心只是 須是猛省淳 不自知其病者是未嘗去體察警省也升鄉 收只是喚醒廣 煩煩提起久之自熟文蔚 **寅大自家只著此子** 用提省此心使如日之 個心非是以一 心是主要常 個心治一 唤醒战中 ,則羣邪自息它本 個心所謂存

てこり言います 似須硬看筋骨擔買無 《斂個身心使精神常 ル著カ則反不具 做得身心在這裏便已 看許多暗珠魍魉各自水散五 絲線路上便明伯羽 朱子語類 山黒才到天中 /伯羽

銀戶四周在書 學者須常收斂不可恁地放蕩只看外面如此便見裏 面意思如佛家說只於 用工少問許多才都為我使都濟事若不細心用 坐時心便只在坐上 收斂則其才愈高而其為害愈大又曰昔 件便只且理會這一 一僧與説話此僧出入常項一 以常道它下固有人自家 一質孫 件若行時心便只在行 一笠眼視不 2高須著會

次定写量合 學者為學未問真知與力行且要收拾此心令有箇頓 今於日用間空間時收得此心在這裏 罷不能之意其於物欲自無暇及之 於物欲如秤令有低昻即見得義理自端的自有欲 放處岩收斂都在義理上安頓無許多胡思亂想則 久久自於物欲上輕于義理上重須是較義理心重 問無所主宰縱說得亦何益蛛 質絲 朱子話類 Ā

若要洗刷舊習都淨了却去理會此道理者無身 常常恁地收拾得這心在便如執權衡以度物質絲 怒哀樂未發之中便是渾然天理事物之來随其是 便去窮理做件 非便自見得分曉是底便是天理非底便是逆天 只是收放心把持在這裏便須有箇真心發見從 八只要求箇放心日夕常照管令在力量既充自 人敬 仲 ノ理

金罗巴西台灣

卷十二

友已日日 八十二 **今說求放心說來說去却似釋老說入定** 致中和賛化育亦只此心也致知即心知也格物即 性之謂道亦此心也脩道之謂教亦此心也以至於 業所以不同也如中庸說天命之謂性即此心也率 此便死了吾華却要得此心主宰得定方賴此做事 心格也克已即心克也非禮勿視聽言動勿與不勿 以争毫髮地爾所以明道說聖賢千言萬語只是欲 照已放之心收拾入身來自能尋向上去今且須 朱子語類 般但彼到

金欠四周有書 就心上做得主定方驗得聖賢之言有歸著自然有 盡精微道中庸等工夫皆自此做儘有商量也若 如此廣大但為物欲隔塞故其廣大有虧本自高明 門時行時坐時讀書時應事接物時皆有著力處大 則高明廣大者常自岩非有所增損之也其道問學 但為物欲係累故於高明有散若能常自省察警覺 心上工夫則不待商量賭當即今見得如此則更無 庸所謂尊徳性致廣大極高明盖此心本

次已四五日目 學者須是求放心然後識得此性之善人性無不善只 過論人心道心精一 得其傳只為後世學者不去心上理會堯舜相傳不 無不善處發而中節亦是善不中節便是惡人之 性完然真足二氣五行之所禀賦何當有不善人 抵只要見得收之甚易而不難也大雅 緣自放其心遂流於惡天命之謂性即天命在人便 不向善上 一去沒其所以為惡爾韓愈論孟子之後不 執中而已天下只是善惡两端 朱子語類 自

求放心乃是求這物克已則是漾著這一物也 許多言語雖随處說得有淺深大小然而下工夫只 意思及羣陰用事則萬物彫瘁惡之在人亦然天地 譬如陰陽在天地間風和日暖萬物發生此是善底 用時加體察持養久之自然成熟該 於两夹界處欄截分晓勿使纖惡間絕善端動静日 般如存其心與持其志亦不甚争存其心語雖大却 之理固是抑遏陰氣勿使常勝學者之於善惡亦要 一端蒙

金少口匠石膏

卷十二

とうしついる しゅう 再問存心曰非是别將事物存心與録云非 做基麽用 便內外肅然又曰持其志是心之方漲處便持著 曰居處恭執事敬與人忠便是存心之法如説話覺 此心便是要 存心之法季礼 **志語雖小却緊只持其志便收斂只持且** 賜 o 朱子語類 存著孔子

記得時存得一霎時濟得甚事文前 問存心曰存心不在紙上寫底且體認自家心是何物 或問存心口存心只是知有此身謂如對客但知道我 此身在此對客方子 聖賢說得極分曉孟子恐後人不識又說四端於此 存時少亡時多存 **尤好玩索季札** 存得在時少閒它喜怒哀樂自有 得數後臨事省察不費力 一箇則在 祖道 袓 道

剑穴四犀 全書

平 くこりをとう 涵養幾時得又曰涵養之則几 事時便做根本工夫從這裡積將去治要去討平日 日涵養之功臨事持守之力涵養持守之 心虚静な 益精明平 (便明了其它須具養養 百威儀三 説言之則一 則自明士教 丁皆是們 言可盡行之則終身 **侍根本固善若平日不曾養得臨** 朱子語頻 非禮勿視聽言動 人如何推鑿用工只 窮

僴 矣升卿 心當應 依然若思 升卿 10 儒用表 動 火足口巨白馬 大凡氣俗不必問心平則氣自和惟心粗 學者須敬守此心不可急迫當栽培深厚裁只如種得 尚急迫求之則此心已自躁迫紛亂只是私已而已 終不能優将涵泳以達於道端奏 厚如此而優游涵泳於其間則浃洽而有以自得矣 地執持待到急迫時又旋理會質孫 病横渠云顏子未至聖人猶是心粗一 物在此但涵養持守之功繼繼不已是謂栽培深 朱子語頻 息不存

能操存此心卓然而不亂亦自可與入道况加之學 心本明只被物事在上盖蔽了不曾得露頭面故燭 問探討之功豈易量耶盖鄉 理難且徹了蓋蔽底事待它自出來行兩匝看它既 **唤做心自然知得里** 為粗病要在精思明辨使理明義精而操存涵養無 髮問則天理常存人 **尺非善惡**伯羽 、欲消去其庶幾矣

金グロ屋と言

人民可重 红 心得其正方能知性之善祖道 或問此心未能把得定如何曰且論是不是未須論定 心須常令有所主做一 須將那不錯底心去驗它那錯底心不錯底是本 錯底是失其本心廣 心却間有所主 入地虚明如日月要問心却不問随物走了 /禅 O 柄 此人曾學 闕 事未了不要做别事心廣大 **米子語** 顏 t 一要問

金戶四周全書 學者工夫且去前截那浮泛底思慮文新 凡學須要先明得一 **今説性善** 善可學 心無不思慮之理若當思而思自不當苦苦排抑 質情欲之偏率意妄行便謂無非至理此尤害事近 成不静異端之學以性自私固為大病然又不察氣 世儒者之論亦有流入此者不可不察 一日之間動多少思慮明多少計較如何得 一箇心然後方可學譬如燒人相似

把定生死路頭方子 八亦須是通達萬聚方 (起此心來聞方子 者其心湛然只在這裏伯羽 必先吹發了 、相傳只是 壽昌 八則火滅矣如今時人不求諸六經而貪時文 火然後加薪則火明矣若先加薪而後 個字竟曰欽明舜! 能湛然純 朱子品類 砥 曰温恭聖敬日躋 土

欠足 可良 白馬

金少世屋人門 **竞是初頭出治第一箇聖人尚書堯典是第一篇典籍** 說竟之德都未下别字欽是第一箇字如今看聖賢 君子篤恭而天下平節の以 在此方看得道理盡看道理不盡只是不曾專一 事時如此無事時也如此質孫 言萬語大事小事莫不本於敬收拾得自家精神 之謂敬敬真只是主一曰主一又是敬字注 事無小無大常令自家精神

孔子所謂克已復禮中庸所謂致中和尊德性道問學 拔守人欲自消鑠去所以程先生說敬字只是謂我 明不可見去了溷水則實珠依舊自明自家若得知 大學所謂明明德書曰人心惟危道心惟微惟精惟 是人欲蔽了便是明處只是這上便緊緊著力主定 欲天理明白不消講學人 面格物今日格 允執厥中聖賢干言萬語只是教人 物明日格 人性本明如實珠沉溷水中 物正如游兵攻圍 (明天理滅

次定四軍全馬

Ţ

朱子語類

丰

聖賢言語大約似乎不同然未始不貫只如夫子言非 自り口石人言 信行篤敬這是一副當說話到孟子又却說求放心 禮勿視聽言動出門如見大賔使民如承大祭言忠 自有一箇明底物事在這裏把箇敬字抵敵常常存 箇敬在這裏則人欲自然來不得夫子曰為仁由已 而由人平哉緊要處正在這裏鉄 存心養性大學則又有所謂格物致知正心誠意至 先生又專 發明一箇敬字岩只恁看似乎参

ノハ うん ここう 因歎敬字工夫之妙聖學之所以成始成終者皆由此 路問不置故聖人復以此答之要之只是箇脩已以 故曰脩已以敬下面安人安百姓皆由於此只緣 夫道 雖門户不同自一處行來便入得但恐不下工 祗覺得異實下工夫則貫通之理始見曰然只是就 一夫則餘者皆無攝在果聖賢之道如 頭萬緒其實只 朱子語 頗 理道夫曰泛泛于文字間 古 「室然

銀穴匹庫全書 成說話聖人說脩已以敬曰敬而無失曰聖敬日躋 敬則其事皆了或曰自秦漢以來諸儒皆不識這敬 獨說敬字時只是敬親敬君敬長方著個敬字全不 得如此親切了近世程沙随猶非之以為聖賢無单 字直至程子方說得親切學者知所用力曰程子說 君親無長之時將不敬乎都不思量只是信口胡 僴 何嘗不单獨說來若說有君有親有長時用敬則無 卷十二二

文足口巨 在馬 下都少简敬不得如湯之聖敬日齊文王小心翼翼 欲不踰矩之理顏子請事四者亦只是持敬否曰學 問斷如此方有功所謂敏則有功若還今日作明日 此事甚大亦甚難須是造次顛沛必於是不可須史 輟放下了又收起幾時得見效脩身齊家治國平 莫要于持敬故伊川謂敬則無已可克省多少事然 加敬則起居語嘿在規矩之內久久精熟有從心所 二程專教人持敬持敬在主一浩熟思之岩能每事 宋子語類 支

金父四母有書 因說敬曰聖人言語當初未曾關聚如說出門如見大 **賓使民如承大祭等類皆是敬之目到程子始關聚** 則忘了所以常要惺惺地久之成熟可知道從心所 欲不踰矩顏子止是持敬浩 說出一箇敬來教人然敬有甚物只如畏字相似不 身心整齊純)類皆是只是它便與敬為 塊然兀坐耳無聞目無見全不省事之謂只收斂 不恁地放縱便是敬浩 自家須用持著稍緩

敬只是收做來程夫子亦說敬孔子說行為敬以直 程子只教人持敬孔子告仲弓亦只是説如見大賓如 物至知知然後好惡形馬好惡無節於內知誘于外 贤説得好人生而静天之性也感物而動性之欲也 承大祭此心常存得便見得仁 内義以方外聖賢亦是如此只是工夫淺深不同聖 **小能反躬天理滅矣** 入要若論看文字則逐句看將去若論為學則 **尽子唇** 變孫 ţ

欽定四庫全書 自有箇大要所以程子推出一箇敬字與學者說要 于光明此句最好盖心地本自光明只被利欲昏了 了然後逐事逐物看道理當爱古人說得學有緝照 且將窗敬字收斂箇身心放在摸匣子裏面不走作 此物有此理自然見得且如人心何當不光明見它 今所以為學者要令其光明處轉光明所以下緝即 已之意照則訓明字 心地光明則此事有此解如解麻之解連解不心地光明則此事有此

今說此話却似臉難說故周先生只說一者無欲也然 てい うらいい 得定有個下手處縱不得亦不至失要之皆只要人 物物元不曾照見似此光明亦不濟得事今釋氏自 這話頭高卒急難凑泊尋常人 謂光明然父子則不知其所謂親君臣則不知其所 然只是才明便昏了又有一 謂義說它光明則是亂道 川只認商敬字教人只就這敬字上捱去庶幾執捉 **杉子師 頻** 雉 種人自謂光明而事事 八如何便得無欲故伊 十七

敬字前董多輕說過了 甚易只如此提醒真令昏昧一 活不若眼下于求放心處有功則尤省力也但此事 皆裝點外事不知直截于心上求功遂覺累墜不快 剛義 心何者為心只是箇敬人 而省力只在念不念之間耳何難而不為大雅 ,此心上見得分明自然有得爾然今之言敬者 `唯程子看得重人只是要求放 才敬時這心便在身上 二日便可見效且易

父已日尾八馬 而今只是理會個敬 程先生所以有功於後學者最是敬之一字有力人 敬之語只是提掛此心教它光明則於事無不見人 月之效因問或問中程子謝尹所說敬處曰譬如此 屋四方皆入得若從 都在這裏了要孫 之自然剛健有力縣 >為學千頭萬緒豈可無本領此程先生所以有持 日則有一 朱子梧類 方入到這裏則那三方入處 日之效一 一月則有

金戶四月全書 敬字工夫乃聖門第 **令人皆不肯於根本上理會如敬字只是將來說更** 覺而今恁地做工夫却是有下面 酉 敬但是它只知得那上面一 心性敬則常存不敬則不存如釋老等人却是能持 做將去根本不立故其它零碎工 延平皆教人 截那上面一 八静坐看來須是静坐盖卿 截却是箇根本底卓 義徹頭徹尾不可項刻問斷 截事却沒下面一截事 一夫無湊泊處明道 截又怕沒那

久己の目 とはる 敬勝百邪泳 敬只是此心自做主宰處 只敬則心便 仲思問敬者德之聚曰敬則德聚 則萬理具在你 精粗之間 八者的方 質滌 朱子語類 九 伯羽

金牙四月石書 敬則天理常明自然人 聽質孫 能存得敬則吾心湛然天理粲然無 得此心起常常 是只恁坐地舉足動步 松敬則心常光明 通夫 分不著力處方 底物事人 會恁地雖有此放解 八欲懲室消治方 當放肆怠惰時 常要此心在這裏淳 邪後意思也退

敬只是收斂來又曰敬是始終 くつうういき 學砥 謂之敬只是有所畏謹不敢放縱如此則身心收斂 非是塊然工坐耳無所聞目無所見心無所思而後 無許多事方 如有所畏常常如此氣象自別存得此心乃可以為 公萬事体置さ 箇畏字 点 謂只是随事專 朱子語類 節 謹畏了 丰

鉛穴匹庫全書 問敬曰一念不存也是問斷一事有差也是問斷 **朋敬何以用工曰只是內無妄思外無妄動柄** 持敬之說不必多言但熟味整齊嚴肅嚴威嚴恪動容 心走作不在此便是放夫人終日之間如是者多矣博 學審問慎思明辨力行皆求之之道也須是敬問敬 **貌整思慮正衣乳尊膽視此等数語而實加工馬則** 曰不用解説只整齊嚴庸便是 f 所謂直內所謂主一自然不費安排而身心肅然表 gitp!

と己の同一年 或問主敬只存之於心少寬四體亦無害否曰心無不 坐如尸立如齊頭容直目容端足容重手容恭口容止 何丞説敬不在外但存心便是敬先生曰須動容貌 裏如一矣升卵 氣容肅皆敬之目也 思慮則生敬已而曰各說得一 然舒適着意安排則難久而生病矣 敬則四體自然收斂不侍十分著意安排而四體自 升卿 **水子語類** 一邊方 主

或問持敬患不能久當如何下功夫曰某舊時亦曾如 元思問持敬易散漫如何曰只與舊便在此可學 得熟熟則自久殊 此思量要得一箇直截道理元來都無它法只是習 只要胸中常有此意而無其名耳振 於誠敬有作報曰只是在人人須自責如為仁 謂持敬不是將箇敬字做箇好物事樣塞放懷 八事須是自家肯敬人問如此

金戶四周全書

或問先持敬令此心惺惺了 動出時也要整齊平時也要整齊方問乃是敬貫動 くろうう 時不成須去求箇事物來理會且無事物之 做基感質療 然伯静又問須是去事物上求曰亦不然若無事物 時須是勉强曰然去偽 **回到頭底人言語無不貰動静者** 通貫動静而言然静時少 7.1 A.I. 朱子語類 方可接應事物何如曰 動時多恐易得 方 Ī

撓亂我且去静坐敬不是如此若事至前而自家却 如何都静得有事須著應人在世間未有無事時節 要主静頑然不應便是心都死了無事時敬在裏面 要無事除是死也自早至暮有許多事不成說事多 也故程子説學到專一時方好盖專一則有事無事 如應接賓客敬便是應接上賓客去後敬又在這裡 有事時敬在事上有事無事吾之敬未嘗間斷也且 若厭若腐客而為之心煩此却是自撓亂非所謂散

銀戶四库全書

敬且定下如東西南北各有去處此為根本然後可 學者當知孔門所指求仁之方日用之間以敬為主不 くっこうる 語默之間而無一息之間斷其所謂仁乎 明著少有間斷而察識存養擴而充之皆不難乎 論感與未感平日常是如此涵養則善端之發自然 皆是如此程子此段這一句是緊要處們 力矣造次顛沛無時不習此心之全體皆貫乎動静 石與萬物並流則如眯目播糠上下四方易位矣如 \.. h 朱子語 類 圭

剑穴四戽全書 問主敬時私欲全不萌此固是仁或於物慾中打 華把捉不定皆是不仁人心甚然虚定者仁之本體 道理曰然方 把捉不定者私欲奪之 悟是時私慾全無天理盡見即此便是仁之全體否 伊川説聰明睿知皆由是出方曰敬中有誠立明召 **小如此且如在此静坐時固敬** 端直蒙卿 覺

誠敬 とこうる 免不差否只才被人 ,如何發其誠敬消其欲曰此是極處了誠只是 許多偽敬只是去了許多怠慢欲只是要室 たっとう 小可以次序做工 件事工 、則是廢了 沒是這箇便是難們 、叶時自家便随他去 成道敬則欲自寡却全 朱子语質 |克已之功也但恐| 《者雖則未嘗不串 盂 一旦發作 **竹如此** 去條

直 說有許多地頭去處們 持敬與克巴工夫曰敬是涵養操 如治田而灌溉之功克已則是去其惡草也端蒙 **底功夫克已是去病須是俱到無所不用其極** 如持敬豈不欲純 了教它盡淨又問散齊箴曰此是敬之 愈制則愈甚或謂只自持敬 日意外 小病作豈可 於敬然自有不敬之 持不走作克已則 小服缝 雅 念固欲 端

金分四库全書

覺恁地自家便擊起了但莫先去防它然此只是自 賢亦無如之何至於思慮妄發欲制之而不能曰才 敬之念非出於心如忿然之前學者固當自克雖聖 家見理不透做主不定所以如此大學曰物格而后 莫管它久將自定還如此得否曰要之邪正本不對 知至知至而后意誠才意誠則自然無此病 立但恐自家胸中無個主若有主邪不能入又問! **驳讀書心在書為事心在事如此煩覺有力**

欽定四庫全書 大凡學者須先理會敬字敬是立脚去處程子謂涵養 時不曾敬敬只是敬更尋甚敬之體似此支離病痛 愈多更不曾做得工夫只了得安排杜撰也人無 是生妄想之端讀書心在書為事心在事只是收聚 須用敬進學則在致知此語最妙或問持敬易間斷 得心未見敬之體曰静坐而不能遣思慮便是静坐 只是順目静坐時支遣思慮不去或云只順目時已 如何曰常要自省得才省得便在此或以為此事最

久己可見 A T 事親孝事兄弟交朋友亦有信而終不識其所以然 操字亦不須用習矣不察人多錯看此一語人固有 者習矣而不察也此察字非察物之察乃識其所以 功反軽了習字才欲作一事却又分一心去察 然也習是用功夫處察是知識處今人多於察字用 字到緊要處全不消許多文字言語若此意成熟雖 則存舍則亡只在操舍两字之間要之只消一箇操 難曰患不省察爾覺得問斷便戶 朱子語類 」接續何難之有操 卖

金牙四屆有電 公省恐之 請事斯語亦是習孟子恐人 目察其心反不知其事親從兄為如何也故夫子 只說習如克已復禮是說習也視聽言動亦是習 最輕君字最重也次日陳一之 /心靄然如春則為仁肅然似秋則為義只要 不肯寫〇誤日持敬不用 剕 卷十二 人不識方 衰風不知當如何日 学則在致知于以為一之求先生書涵養

人民日司 二十 須去幹 孫賀 也須看一 **箇也不須只管恁地把捉若要去把捉又添** 起來便是敬曰静坐久之 把捉底心是生許多事公若知得放下 念是要做甚麼事若是好事合當做底事 或此事思量未透須若思量透了 小要做自家 朱子語類 一覺得如此這敬便 念不免發動當如何 主 箇要

敬有死敬有活敬岩只守著主一之敬遇事不濟之以 看來諸公所以不進緣是但知說道格物却於自家 觀山玩水也然引出了心那得似教它常在裏面好 義辨其是非則不活若熟後敬便有義義便有敬静 如世上 都恁地不精銳未說道有甚底事分自家志慮只是 根骨上然欠闕精神意思都恁地不專一 如此方好質孫 等間物事 切都絕意難似不近人情 所以工夫

金欠四周至書

久已日屋とう 涵養須用敬處事須是集義道夫 開眼見物便是義於周 事時只得說敬以直內岩事物之 事如两脚立定是敬力 朱子語類 ~敬時如何坐如尸立如齊 是两事他明 弐 從周

金河四周石書 無閒雜思慮則養得來便條暢 頭看義要向前看壽思 義是 於此而不易之 事至能 其 間 者是 物來能應 項可否曰也不必要似禅和 謂義者施於彼而合宜之 万 淳 則

或問プ 始學 とこつる こう 家便安如茫茫在外不曾下 則此心湛然無事自然專 也無箇著落處士教 人定斷絕思慮只收斂此心莫令走作間思慮 有箇安頓處譬如 與應事皆要再 一静坐則本原定雖不免逐物及 **企要因** 朱子語類 事而卷出三件 及其有事則随事而應 居家熟了便是出外 否曰静坐 **| 飲向裏面** 非是要 芜

銀戶四屆全書 此 宫肅肅在 此古人自少 則雜然無頭項何以得它專 ·馬書數皆然今既自小不曾做得 時便做了這工夫故方其酒掃時 何以能中學御時心若不 小做這工 卷十二 好誦旨要專 亦保便可見敬只是 只觀文 柰何須著 E 一雌雖 一如學 如

ノスンうら ノントラ 學從那頭去又何處是收功處故程先生須令就敬 静坐涵養時正要體察思繹道理只此便是涵養 也有静坐無思念底時節也有思量道理底時節岂 底心會與道理相入否會與聖賢之心相契否今求 可畫為兩途說静坐時與讀書時工夫逈然不同當 字上做工夫正為此也大雅 此心正為要立箇基此得此心光明有箇存主處然 後為學使有歸著不錯岩心雜然昏亂自無頭當却 q **朱子語頻** 丰

書時二者工夫不一所以差個 敬去除那不忠不敬底心令人之病正在于静坐讀 参于前在興則見其倚于衛只是常常見這忠信篤 量道理時自然邪念不作言忠信行篤敬立則見其 是說喚醒提撕將道理去却那邪思妄念只自家思 敬在眼前自然邪妄無自而入非是要存這忠信為 之問存養多用静否曰不必然孔子却都就用處数 做工夫今雖說主静然亦非棄事物以求静既為

金页匹库全書

とこうると言う 存則動時得力須是動時也做工夫静時也做工 雖動亦静也故曰知止而後有定定而後能静事物 **注注随它事物中走** 了只閉門静坐事物之來且曰候我存養又不可只 之復曰動時静便在這裏動時也有静順理而應則 之來若不順理而應則難塊然不交於物以求静心 、自然用事君親交朋友撫妻子 不能得静惟動時能順理則無事時能静静時能 朱子語類 一者須有箇思量倒斷始得項 僕不成捐棄 主

金牙四月年書 時雖欲求静亦不可得而静静亦動也動静如船之 两莫相靠使工夫無間斷始得若無間斷静時固静 甫疑説此 在水湖至則動潮退則止有事則動無事則静此段 動時心亦不動動亦静也岩無工夫則動時固動静 端亦無截然為動為静之理如人之氣吸則静虛則 涵養致知亦何所始但學者須自截從此處做去程 動又問答之 静如湖頭高船也高湖頭下船銀說此次日見徐云事來則動)際答則動也止則静矣几事皆然且如 事過 也下雖然動静無

次定四軍全書 心要精 心於未遇事時須是静及至臨事方用重通此便有氣 事時方好心要收拾得緊如顏子 定做得事便有精神 幣 在敬者則敬也在先從此推去只管恁地 砥 川解静間處云不專一 刀如當静時不静思慮散亂及至臨事已先後了伊 謂學真先於致知是知在先又曰未有致知而 方静時須湛然在此不得困頓如鏡樣明遇 朱子語頻 則不 ~能直逐間時類是收 Ī

金グログと言 靜為主動為容靜如家舍動如道路直逐。個 靜便定熟便透 身只有箇動靜靜者養動之根動者所以知 當及犯而不校却别從周 動起念時動中靜是物各付物方 有靜如發而皆中節處便是動中 **化思動動時不思靜文**前 日間静時熟)義剛 卷十 多曰若聖 静祖道

反己の臣合馬 須絕吸而不虚亦必擁滞著不 以謂動 君 發既欲為此又欲為彼此是動時却無那靜也端 於仁 朱子語類 事處之 動 虚吸岩虚而不吸則 八亂其思 圭

金少世屋人 闔闢消息小底有 亦 人惟如此所以其應事致不 信 - 道也云不可以湖南之 一消 息 方 小底闔闢消息皆只是這道理 卷十 此以靜應動 濫 動 關大底有大 冽 砥

實實成脫雜則又是本來 知之者矣方 應之 j り通書 |則公公則溥其致公平 定者是義亦是各正性命所謂貞也如木開花結 爾方謂中漢無物心共此理定 2:1:3 箇天地木 一無欲則靜虛動直 心中 /理太 朱子語類 **个能自知而物則如此人靈能** 她不可無應者動處亦是 一静虚則明明則通動動 九無少欠 孟 方云

動灾匹库全書 吴公濟云逐日應事接物之中須得一 問心存時也有邪處曰如何泳曰有人心道心如佛 衛精神要使事愈繁而心愈暇彼不足而我有餘其 心道心是箇有揀擇底心佛氏也不可謂之邪只是 靜者邪道夫 言雖出於異說然試之亦畧有驗豈周夫子所謂主 謂作用是性也常常心存曰人心是箇無揀擇 後直使今學者化 |得更不敢睡 時辰寧靜 方

とこうらいか 通美 朱子語類 門也方 小服思 德明 孟 胡泳 金穴四庫全書

. . . .